

Darzu erfordert / es gehört auch darzu ein Regel mit zweyen absehen dar
rauff zuhaben / an statt des Senckels / vnd wie sich die höche abzumessen
verhalt / also vnd gleicher gstat ist es / vnd verhalt sich mit der ebne zu mes
sen / vnd ist diß alleinig der vnderscheid / das in abmessung der höche sol
ches auffrecht / vnd mit einer geraden Linien für sich oder zu ruck gehende /
des andern stands erfundung beschicht. Also beschicht es allhie in der fleche
vnd ebne / *Horizontaliter* mit ruckung entweders auff die rechte oder lincke
seyten / mit dem andern stand / verhalt sich also.

Erstlich / leg dein Instrument auff ein Stecken / oder darzu bequemen
Fuß vnd Ort nider / vnd richt die seiten *A. B.* stracks an das Ort oder über
den Fluß / Graben / *rc.* dahin du zu messen begehrt / welches mit zweyen
Nadlen / so im *A. B.* mögen gesteckt werden / kanst verrichten / darnach so be
sihe / der linien *A. C.* hinauß / nach dem andern stand / auff die lincke seiten /
damit es in ordenlichem winckel verbleibe / vnd da den andern stand er
wehlt hast / mach ein zeichen mit dem Stecken.

Zekunder so nimb dein Instrument vom ersten stand hinweg / vnd
trag solches zum andern stand / lege es auff den Fuß oder Stecken / vnd
richte die seiten *A. C.* ordenlich vnd fleißig nach dem ersten stand / wann es
dann also gerichtet vnd steiff ligt / so rucke die Regel mit ihren Absehen /
nach dem Ort / dahin erstlich im ersten stand die seiten *A. B.* gerichtet hast /
vnd dessen Distanz begehrt zu wissen / nimb darnach wahr / auff welche
zahl die Regel gefallen / in *Vmbram Reclam* / oder *Verfam* / in mitten der Leit
ter / oder *Reclam* vnd *Verfam* zusammen / wie in folgenden dreyen Capitel
len / durch Exempel erkläret soll werden.

C A P. XVII.

Wie sich zuverhalten / wann man vom ersten stand zur
rechtenhand gehet.

In der Figur Numero 2. der erste stand in *A.* vnd miß über Wasser
in *B.* der ander stand ist in *C.* da fällt die Regel auff 50. in *Vmbram Ver
sam* / das setz zum ersten / die ganze Leitteren 100. in mitten. Vnd
zu letzt